

箕

村

集

篁村集卷四

上海陸錫熊耳山撰

古今體詩一百十一首

鄉試月印萬川 得川字

月皎冰壺淨含輝印萬川清光隨處見妙悟此中傳人  
對虛明境形窺色相前應知千里共都是十分圓有本  
皆如是同歸豈不然但能呈法象何必辨天淵

聖學超神表

皇情運物先仰觀兼俯察微契證魚鳶

爲閻邱秀凡壽

謝家羯末總能文  
得也江東最軼羣  
乍可二毛同騎省  
依然三耳說參軍  
行吟才客青門曲  
坐掃高齋白練裙  
戶外麴車諸弟子  
幾人寂寞慰揚雲

茅堂高俯麴塵波  
門巷深秋步履過  
明鏡江湖華髮在  
儒冠身世酒杯多  
閒堦夜警仙人鶴  
曲墅晴籠道士鵞  
知有薦才楊得意  
丈夫四十豈蹉跎

皇姑寺

畏吾村路接平蕪  
寺外清波滿浴鳬  
亂塚梧楸暗疑雨

荒園蛺蝶繡成圖。提壺試問春深淺。叩馬空傳事有無。  
漸覺吟身入屏幃。西山翠色撲睂鬚。

### 石景山

地偏河流轉山標。塔影停千村夕陽紫。萬里太行青勝  
蹟。傳瑤璵遺名記。石經還思郭都水。疏鑿徧郊坰。

### 潭柘岫雲寺四首

兩崖互引脰。仄徑劣容武。人家隱松杉。茅屋炊正午。明  
妝女行汲。負擔樵歸塢。溪流自東趨。一壑激萬弩。尋源  
稍登陟。宛轉呀重戶。剎竿隱深林。遙辨法堂鼓。寶坊龍

象巖石塢莓苔古小憩足清涼諸天正花雨

泉喧衆音寂盈縮無夏冬浮觴曲澗集引筧香厨供薊  
邱植汶篁肅肅千竿風槎枒見枯柘子立瑩青銅孳牙  
誰寄生小草含春容東軒夜無夢冷逼嵐光濃同龕有  
彌勒宿火玻璃紅

東上洗心亭凌虛躡飛磴攀衣劃長嘯歷歷響誰應深  
潭俯黝黑濕翠倒圓鏡龍歸雲頭鋪龍去雨腳橫夕陽  
澹欲無半嶺條已暝禪關清楚起烟外一聲磬

妙嚴何代磚遺蹟閭浮仰六時勤唄誦五體作供養天

人涕交頤苦行畱實相金經秘靈鑰龍虎衛珍藏當年  
出宮闈襲錦內家樣我離文字禪了徹十方障庭虛泉  
自流鳥散花欲放雙眼見佛無出山更回望

姚少師影堂

青史虛誇佐命功精廬遺像尙紗籠南都推刃真難道  
北郭披緇竟不終永日山風飄屋瓦至今瓜蔓痛沙蟲  
女嬃猶解申申詈出處藏春一例同

渡渾河

桑乾新漲乍盈篙小艇中流拍怒濤山擘玉龍穿峽遠

隄收竹箭建瓴高千家避水痕猶在六月防河策最勞  
却指蘆溝臥波影鼉鼉架後自堅牢

戒壇千佛閣

山藏精舍雨樹亞陰崖風杖藜潑叢翠金碧高龕從駐  
嚴旃檀林丈室須彌同喬柯松栝蔭斷碣遼金確崇闌  
一憑眺影氣青無窮桑乾線流繞塞堞高低峯五雲麗  
宮闕碣石迴朝宗列藩國廣陽使額軍盧龍千秋劇爭  
戰遺跡迷蒿蓬覽古意方戚聞經慮俄空斜暉下諸嶺  
西翼沈烟蹤

寄內子札意猶未盡續得二十八字

七月長安雪欲飛寒燈孤館悵何依  
閨中刀尺知相憶遊子天涯未授衣

贈王曉園戶部

枌社同鄉縣葭莩有數年天涯仍合併  
世路各騰騫晚達雲霄迴華班省署聯國章  
崇少府月算重緡錢聚米軍儲壯飛芻計簿填  
度支謀不忝會計道能全夕拜供綾被晨趨步  
玉輒羣公爭幹濟之子信才賢甲乙非虛耳  
升沉益邈然放歌陳夙昔高會想周旋  
新特崔盧並



交期羣紀堅行觴呼揖客撰杖許隨肩零雨參差別晨  
風意緒牽家聲慚入洛遠道獨遊燕適館情稠疊挑燈  
語接連尋坊依杜曲卜宅近城墻榻下通花幔朝回闢  
玳筵裁紅詩綴錦浮白醴成泉西嶺晴雲爽春郊逸興  
偏籃輿穿窬篠筇竹信洄沿石壓廬師頂山低臥佛前  
愛閒頻請沐得趣已超禪捉麈陪清坐攜朋雜醉眠旅  
懷長自失樂事更誰先鹵莽謀生計艱虞拙世緣稻粱  
判白露琴劍逐青氈投跡風塵內因人雨雪邊梁園朝  
授簡岐館夜聞絃寒月迷珂里重闌隔曉烟時時回寶

騎往往降瑤箋聚散泥畱爪年華絮擘綿橫雕盤朔氣  
急鴈下南天旅館愁方劇倉曹席屢延灤魚銀入饌潞  
酒碧流涎栢葉春朝近脂花令節遷圍爐嫌漏短擁鼻  
喜吟傳落拓空懷刺飛騰看著鞭緇衣且道路華髮儼  
神仙松菊家山遠庭闈夢寐懸客心爭暮景相對話歸  
田

會試賢不家食

得同字

國典旁求切賢關際會同席珍家並獻鼎養食彌豐釋  
褐寧圖飽承筐念匪躬懸貍情舊永鳴鹿禮新隆鄉饌

拋匙白官筵列餅紅昔聞餐不素今見道能充德洽菰  
蘆遠恩沾鴈鷺通泰交欽

聖世六宇慶昭融

御試五月鳴蜩

得清字

五月薰風至鳴蜩始發聲榴邊新靄暮柳外斷霞平涼  
意先秋動吟懷入夏清院深傳更急林密聽難明斷續  
流音遠依微想翼輕喧時山逾寂歇處雨初晴自合調  
如緝從知潔有名

御園添景色物候軫

皇情

爲朱錫田壽

辛巳六月錫田五十初度余方畱京師不獲與  
稱觥會歸里許一詩爲壽牽率未果歲旣單矣  
扁舟遠涉斷冰塞路雪意垂垂不勝停雲之思  
輒成長歌一首中間皆推本自述之意而間之  
以兩人聚散契濶之情終之以風詩善頌之義  
流澌及春歸薦椒酒當爲我醕一觴庶幾不忘  
息壤且以知其詞雖拙而情則摯也

我初相識髮及肩荷衣揖客誇翩翩君時三十正年少  
顏色白皙雙瞳圓葭葦托倚蛩附駟日月跳盪風吹綿  
淳于一自作齊贅參佐曲解迴吟鞭當年兒童已抱子  
看君絲鬢何由元我從上書北走燕君亦躬稼南溪田  
風塵依人脚拳跼羨君超絕忘家禪攬揆百歲過強半  
外慕漸少由天全還家乍快脫韁鎖握手只訝增華顛  
君言僂指數閱歷四十九載知尤愆鮮民風樹感莪蓼  
手澤金石淪栢棬衰宗門戶百憂患水火摧剝蠶絲纏  
尺椽詎足支大厦隻手直欲堙瀆泉何人顛倒開蛙鼃

一物慈愛蒙皇天頭顱只今成老大世事回首隨風烟  
譬如不飲觀醉客側帽屢舞形蹢躅旁人但可供絕倒  
得喪於我浮雲然生涯安分膝自抱心地離垢肱堪眠  
矛頭漸米世途險作達似子寧非賢高齋楊柳花滿川  
流鶯忽語花枝偏踏泥不辭衝雨屐載酒或命看山船  
自將文度置膝上一簾經比韋家傳孫雛釋氏親抱送  
唇朱眼漆何嫵媚丹砂石髓亦妄耳平地不少家居仙  
好排歡場過三萬會有椿齡紀八千我詩實錄戒誇誕  
爲話宿昔思流年篷窗歲宴風雪裏炙硯細寫瑤華牋

韻詞緩奏豈無意畱春酒椒花筵

玉峯阻風四首

凜凜歲云暮我行猶未休雲穿寒日漏風挾斷冰流顛  
倒攤陳帙蒙茸戀敝裘荒村今夜酒心折大刀頭

小別逢殘臘流光惜逝川浮名催我老捷路讓人先薄  
暝空江渡微寒欲雪天遙思小兒女欸欸話歸船

已覺波濤慣終憐道路非天寒還獨往風起送誰歸坐  
閱千帆過真成六鷁飛片雲南下急獨立思依依

少壯行非昔馳驅復在今高堂穿望眼令節感羈心估

客東西路離鴻下上音芙蓉江畔水愁繞暮濤深

除日吳門舟次用東坡臘日遊孤山訪惠勤詩韻

賦呈龍華大兄

歲方晏雪滿湖朔風掃路行人無冰山巋崑高一丈招  
招舟子誰能呼我獨何爲辭妻孥臘日不得相嬉娛千  
搖萬兀來姑蘇十步九折愁縈紆昌亭相遇懷故廬可  
憐道路同羈孤爲斟濁酒勸僮僕如坐丈室餐伊蒲吳  
中華屋羅千夫鐘鳴鼎食晨連晡南山鑿石錮金穴苦  
愛富貴宜良圖

語次適感舊事

我生那復求羸餘覺悟早似知



非遠何時掉尾同魚通此境未遂心先摹

舟中咏冰次東坡聚星堂雪韻卽用其體

枯林短櫂舟如葉寒冰夜凍千江雪風吹淅淅度微響

日射晶晶看奇絕圓渦密作肌粟生細稜

去聲

曲趨波紋

折飛牀恨無新製好

謂北地冰牀

走鷺直暎遙天滅晨開鑿

空

去聲

千槌動晚打砵訇萬篙掣白痕糾結轉凝片綠暈

模糊漸融纈時逢爨媪瞰深孔尙有樵童擲餘屑客途

十日苦畱滯天女五花正飄瞥沍寒朔野將無同風景

南園不堪說雙拳呵罷硯生冰一笑吟成筆如鐵

澄江晤金韻言卽送其從劉學使之淮上

殊鄉攜手感年華相送寧知道更賒湖上春愁雙崦樹  
淮南秋色小山花幕中飲興朱齡石屐底吟情謝永嘉  
多少長楊能賦客翩翩誰似筆凌霞

時將  
獻賦

許墅除夕絕句三首

曲院氍毹鬪管絃栢觴曾醉夜深筵秋風自別岐王宅  
短夢輕塵又一年

去年餞歲向天涯頻卜鄉書對燭花不道歸來轉飄泊  
夜篷翻夢到京華

一江西去鎖嚴關獨夜孤舟宿岸灣  
強起推篷破蕭瑟  
半林殘雪望陽山

贈張默存同年

剝啄柴門僻相逢倒接離東方懷婁藪  
北郭借枯枝鷗  
蟀經三換冰霜又一時  
流澌未須下畱踐故人期

桃李爭春艷青松獨後雕閒身厭城郭  
生計雜漁樵曳

履容臺貴

謂同年注  
禮部獻之

看雲子舍遙

謂同年戴  
進士元夔

誰憐老同

諧雙鬢日蕭蕭

蓉江道中懷人絕句二十六首

光祿文章壓輩流瑯琊宗派鳳麟洲朝回日日餐蛾綠

鬢影書聲共一樓

王光祿  
鳴盛

錢郎瘦比東陽沈地近蓬萊會列仙曾到和林訪遺事

斷碑零落鬼兒年

錢侍讀  
大昕

越水吳山足勝娛六年夢到鯉庭趨郎君只厭承明直

愛向龍湫宴坐無

李編  
修

場屋真推折臂醫由來顰悅未堪奇千金敝帚何人享

慚愧親逢一字師

君嘗訂余鄉試制藝示諸  
生爲舉業者趙御史佑

簫鼓樓船百道開龍荒驚見謫仙才酒酣爲作琉球舞

曾駕長風破浪來

王編修文治

定香居士老詩禪卜宅仍隣古寺前

君居憫忠寺之左

常說夜

遊同謝監柏陰如藻石幢邊

時謝編修墉居頗近王舍人昶

翰林感逝乍傷懷襖被孤燈雨滴階官職可憐今入手

俸錢辛苦但營齋

曹庶常仁虎

道山亭畔相逢日屈指星霜四五年閒却文章好身手

封椿袞袞算緡錢

王戶部曾翼

韋家詩體昔曾聞筆勢尤工五朶雲啄粒官倉似鴻鴈

江南春到倍思君

韋舍人謙恒

碧盤雨前供粟粒銀絲春晚薦琴高故人雞黍山中約

何日扁舟涉暮濤

袁孝廉  
穀芳

鄭郎昨上蓮華頂濯髮親經玉女盆手摘天星望鄉國

黃河如線走中原

鄭禮部  
鴻撰

蕭瑟遺經感白頭近聞匹馬向滄洲薩摩陂外千楊柳

應爲春醪十日畱

盛孝廉  
百二

落日空廳早放衙脚靴手板事堪嗟知君尙有流亡愧

鴈戶春來剩幾家

黃明府  
大齡

歐門衣鉢在髯蘇愧我空成山澤臞欲乞漁村舊詩卷

何時問訊到江湖

余與君同出竹均朱先生之門別時許以詩集見寄漁村集名也

蔣庶

常雍植

衆仙同日詠霓裳誰似翩翩白晳郎聯騎曲江歸去晚

少年不數李東陽

秦庶常承恩

一別天南望鯉魚長安還憶對門居夜深春樹三條巷

隔院紅燈照讀書

項吏部淳

吹竽鼓瑟事難論感遇常懷國士恩流落平津布衣客

只今騎馬傍誰門

蘇舍人去疾

孫侯勸作長楊賦臨別牽畱愧未能歲晚滄江欲通問

關河愁望朔雲凝

孫宗人夢達

絕塞秋開五石弓  
董生才氣萬夫雄  
二殺風雨還西去

立馬高歡避暑宮

董上舍椿

天涯適館勸加餐  
早晚牽絲作宰官  
知有故人聯夜榻

謂徐君長發

舊山爲報竹平安

徐孝廉作梅

十載仍依供奉班  
四門博士老朱顏  
硬黃手拓陳倉鼓

滿院茶聲白日閒

陳助教孝泳

難弟難兄玉不如  
鞭絲輕裊落花初  
昨從宣北坊頭過

夾道爭看擲果車

劉庶常校之編修權之



便便腰腹識倉曹

時方督京食

食指關心問老饕只喜吳郎

能醉客

謂進士泰來

六街燈火對持螯

吳舍人煨

山中舊宅依黃海白石青江抱竹扉可惜天涯相送老

故人珍重寄當歸

朱孝廉荒星

曾共梁王雪夜樽騎驢日日欵朱門白頭更作天南吏

碧水丹山一斷魂

歐陽明府飛

陳生麗句玉壺懸

孝廉桂森

爭比張郎萬斛泉同著麻衣入

京洛浮名潦倒愧盧先

君以禮記舉鄉試第四余以詩舉第三故云張刑部敦均

召試江漢朝宗

得宗字

二水標南紀歸墟得所宗地形分兩戒天險豁千重漢  
廣滄浪曲江源井絡封懷卑謙秉禮潤下德昭恭九派  
馳車馬雙流滙璧琮會同春漲合奔走夏濤衝向若東  
西面環瀛大小共

聖朝清宴日薄海頌時雍

恭和

聖製自金山放船至焦山用東坡韻

江流東赴何耽耽勢注溟渤浮東南南徐簇擁鬢惟兩  
海門拱揖峯聯三金山樓觀壓山起如巢綴蜂箔上蟠

焦山斗拔景尤絕道元挂漏心應慙朝陽半入柏枯逕  
夜浪自湧蛟龍潭江妃擊鼓逐

翠輦進楫風日饒清酣鶴銘挾別辨跟肘強別世代誠  
迂談黃雲覆鼎閤香閣白足鑿石畱苔龕銀甌試汲深  
澗冷玉版那數山厨甘當年髯蘇妙歌咏攬勝不異貪  
夫貪鴻章逸興

聖音出退避三舍知難堪

玉鱸明發指北固更訪海嶽仙人菴

恭和

聖製初登金山元韻

隔岸旋螺到眼青，却從登眺會全形。  
雙流欲合江聲壯，一柱全扶地脈靈。  
影轉盤陀常湧現，機乘艮止自回停。  
宸遊川上情彌浹，指點三山入淼冥。

恭和

聖製題釣魚臺元韻

淮陰遺跡想英雄，澤畔漁竿策未窮。  
壇築秦中方拜將，功成沛里亦歌風。  
解衣畢竟先餘子，躡足何曾誤乃翁。  
一自

睿篇光覽古雲臺持較有初終

恭和

聖製維揚懷古元韻

淮曲烟光隔幾郵竹西鼓吹引

龍舟虹橋入畫高低影桂楫迎潮下上浮官閣梅香曾  
寄范蜀岡松老倍思歐天開勝地紆

宸賞歸路華燈映水流

贈凌雷州竹軒丈

雁聲墮地天雨霜江風獵獵吹飛檣雷州太守歸故鄉

瘴沙七月辭炎荒珊瑚象貝紛都梁結束不用千金裝  
蕭然琴鶴同一航歸思徑逐南雲翔到家鞠膳登高堂  
渥顏兒齒身康強兼珍潔膳浮三漿喜動鄰里椎牛羊  
鳳雛驥子羅兩行樂事未已今方將青幢乍脫會稽綬  
白華自譜南陔章是時重陽剛一月扁舟橫浦先期發  
初度方宜泛菊樽遄歸正拄看山笏逍遙風月青翰轉  
浩蕩烟波白鷗沒已離峽口拔虎髯更揖匡君望雲窟  
不辭風水久相逆笑指江南青一髮十年客夢懷三吳  
萬口春謠畱百粵服官五十古有志投牒翻然謝朝謁

如公進退洵無負治行清風兩超越憶昨一麾辭

帝京手持符竹趨

王程使君五馬五騏驎叱馭快作東南征鸞帆颺母備  
靈怪八州連絡環東瀛行春露晷夾白鹿花鬢赤腳紛  
來迎燒畬煮壤沃甘雨春澤如飲絳中嬰傳柳事少但  
吟嘯吏曹奉職無咎榜舖糜喜聞熟釜滿酌水但見廉  
泉清廣南分地控甌脫征蠻別部雄千兵峒丁甦戶競  
糾結蚊巢蝸角紛纏爭六條具有漢法在潢池竊弄匪  
王氓紅旗小隊間道出地中鼓角鳴金鉦衣冠別樣遣

謀刺草木不動聞軍聲饒歌夜半列千炬導以畫戟飄  
雙旌車門洞開搗大鼓牙籌次第傳鼉更執渠縛醜獻  
幕府穴中鼠子徒縱橫丹青明示生活信歡呼雷沸周  
山棚紫瓠遺種革心面弓衣賓布恒輸誠蠻人憎服廣  
人愛彈壓更藉居專城海恬山安坐無事樊桐遠躡鯨  
波平榕陰到地蔭青葢佛桑照眼飄紅鞵熊幡臨憩一  
以眺往往振觸鄉園情官齋况復清似水琴韻香縈令  
公喜聲名波井比汲華日月驍壺同激矢

北闕方嘉黃守賢南人競述吳公美只道攀轅來未暮



寧知負米情何已二千石俸滿上考掉頭竟賦歸來矣  
抽簪未老近所無華髮娛親古誰擬色養榮堪耀井閭  
移忠教本通書史伊余夙昔陪履綦丈人行輩徵交期  
幾年夢寐隔嶺海望而不見心倭遲只今獲侍纔旦暮  
又欲薄宦遊

京師公歸我出何草草捧檄應受通人嗤陳郎我弟公  
宅相振筆示我瓊琚詞繼聲因藉表仰止陳情述德言  
非支此詩此事足千古他年請視韋丹碑

題陳研左荷香小影

我昔曾騎瘦馬長安遊亦嘗身到太液瓊華洲金鼇玉  
螭勝絕烟水趣五龍亭子倒影中央浮垂虹宛轉雜植  
萬楊柳扶疎千柄翠蓋連雲稠不知蓬壺飛到經幾載  
紅牆銀漢湧現天中樓鳳城鐘動月照九門鑰掩關獨  
臥夢覺成羈愁今年歸來城市忽不樂掉頭興發更鼓  
錢塘舟衆香國裏蓮蒲浩如海芒鞋筇杖十日容勾留  
六橋橫絕三萬六千丈內湖潑眼光如油回溪短  
汊開遍玉色蕊紅衣搖曳好女晨梳頭高枝合翠渺渺  
望不極下有拳足之鷺眠沙鷗缺瓜船小落日唱歌去

滿身風露但覺涼颼颼同游老伴况有趙生在連翩韻  
語鬪險無時休爾時壺中隔斷車馬客徑思於此卜築  
營林邱鞭鞘袴褶轉眼落韁鎖萬人海內漂泊同浮漚  
陳耶好古蕭灑出塵表披圖彷彿膠漆情相投薰風來  
時四面拓窗扇筆牀藥臼掩映珊瑚鈎美人清揚宛在  
水一曲微吟憺對月面開銀甌將於此中得有少佳趣  
科頭箕踞無乃羲皇儔我今思去太倉竊微粟猿嘲鶴  
怨應被移文羞故人相招歸去苦未得觸籬進退拙甚  
營巢鳩從君便乞此本人行橐故園風景庶藉銷煩憂

題朱紹庭江樓春曉圖

千門瞳眬啼曙鴉銀牀露重明桃花誰家高樓對芳樹  
瑤鈎珠箔天之涯博山細蕪烟如水乳燕鳴鳩掠波起  
玉螭欄拖亞字紅畫屏簾蹴波文紫踈地垂楊裊碧絲  
春江花發正逢時公子豪游金腰褭佳人妙舞白銅鞮  
玉蟻貼罷籠長袖獨摻垂條惜芳晝雅步應憐藕覆香  
清歌暗覺金釵溜一逕花源不可尋游絲百尺漾春心  
木蘭棹轉蘋風急青翰舟移碧漲深長安憶昔狂遊久  
走馬每向章臺口趙女招邀按素箏秦娥作使行春酒

寶玦珊瑚大道邊新詩落紙萬人傳  
金魚池北天壇下占斷春光年復年  
只今落拓歸湖海此生念念浮雲收  
老屋江村病欲蘇鬢絲禪榻心仍在  
忽忽停杯不自聊丹青過眼欲魂消  
可憐翠被春寒夜重夢揚州廿四橋  
爲家觀察兄祀亭壽

吾宗富文獻赤網滙海若雲間與膠江  
一派散千絡風烟百里近戶版雨圻錯  
李榮根蟠會瓜蔓胝綿各槎溪我賢伯  
間世出騰躍神仙足官府大雅繼絕作  
側聞先人交密契夙所託情同鄂不聯  
意矢簪盍確後生感風

流古義未淪落代興屬吾兄世競識干莫傳天飛鸞驚  
拔水出蛟鰐名方朝籍掛跡近邱園卜千篇手親刪十  
畝閒自築端居謝羣紛善飯足行樂神完中有恃玉貌  
轉矍鑠方傾麻姑醴詎假桐君藥曰余羈世鞅束帶將  
入洛儀型敢兄事過謁禮必恪陳情譜聲詩善頌義不  
忤明當敞賓筵庶用侑三爵

爲都運葉東壺先生壽

早緣經術領儒宗得路清名達

九重千騎風生左馮翊六曹班壓大司農門前檠戟排

行馬天上觚稜夢曉鐘粗了官身便辭印萼鱸秋興五  
湖濃

練圻一碧俯清泠卜築新開戴笠亭

朝議卽煩騰薦剡州人仍藉識儀型耆英姓氏推前席  
車馬門牆半受經却拜履綦重感慨年來先友劇晨星  
兩年持節鬢毛蒼歸騎仍馱使越裝鹽鐵

國門畱計畫鶯花江館待平章早閒爲卜先生壽投謁  
應稀大父行百里未嫌窺閣晚占星今到潁川鄉

答薛茂才

美人南國秀良辰展嘉晤瑤章託鴻翼蘭盼幸回顧層  
樓何崔巍希光滿行路情悰倘相許金石敢渝固願因  
青玉軫一寄平生慕

題畫

昨夜西風打破窗梅灣春夢落吳艫對圖忽憶茅蓬底  
跂脚孤眠看練江

滿衣紅雪上輕蓬釣得槎頭曉鏡中莫使人呼五湖長  
鬢絲須信未成翁

贈朱三棻山



長身揖客聳雙肩曾記登堂綴蠟年彈指滄桑經廿載  
賸看玉貌勝從前

小築茅齋占一邱東阡知己卜菟裘弄孫抱子堪行樂  
脫屣人間萬戶侯

高論懸河世已驚風流仍藉酒逃名揚州藥玉新鐫就  
好試蓬蓬入腦聲

中年親友似搏沙聚散紛紛閱歲華憐我長安騎馬去  
卜隣何日傍君家

題沈砥亭太守勸農圖

城門擣鼓聲微錯城頭楊柳飄綏蓼牙旗小隊侵曉出  
風靜尾尾行雙驂僧衣紋斷田垆翠鳴卵色破天開藍  
連村雨歇淨塵塏雪鷺亂點青瑤函縛雞已罷趁亥市  
叱犢初起驅丁男長身耒把泥滑滑短髮笠側烟鬢鬢  
水車響斷紡車續采桑門巷春陰盦朱衣傳呼且勿遽  
陌上緩緩方提籃秧歌唱近使君馬蓋影或拂牙兒擔  
掾曹脚靴互唯諾長吏腰笏紛祇叅頭花婀娜釵綴十  
勞酒巡匝杯行三茅檐喜氣動春色惠政到處恩能覃  
勸農使者今郡伯家近東海波洄涵門前手種十頃稻

汜經蔡錄心常諳監州出綰借紫綬述職近戴朝  
天簪一麾出守萬里外得郡遠落天西南播州自古遷  
客地風景略記邊人談濛濛密箐埋苦霧閃閃毒蟲飛  
金蠶殃徒赤腳話噠囉老羅黑面形慙慙地靈砂汞遍  
流洑天漏春夏常陰霽自從

王威讐絕徼盡化耕鑿銷戈鏃曠弓無復夜路虎賣劍  
欲佩春畚慘君今五馬建旗隼專城四十才真堪苗人  
亦人土王土一物失所前賢慙清風先去酷吏酷止水  
爲鑒貪泉貪蠻花狔鳥露冕到要使謠俗同和甘雙岐

兩穗倘有應吾筆尙足留銘璽

嘉平下浣讀趙璞函同年送弟禮叔南歸之作  
觸羈愁茫茫交集援毫率情見乎詞旣以贈  
別并寄示故鄉諸子

往事依稀劒契船單車同赴國門前悠悠浪別漁樵隊  
負負虛增犬馬年清鏡雪霜眞瞥爾寒厨杞菊尙蕭然  
觸籜我自難爲計君去休忘種秫田

羈心暮節感無涯冷雨梢簷夜似麻四壁呻吟愁伏枕  
一官漂泊笑浮家年勞班簿薪初積日涉荒廬券待賒

只道長安有生計思量空愧故園花

鴻稀鯉斷那無因誰慰天南白髮身淺土淒涼銜紙烏  
薄田辛苦運租人吏呼未了春秋稅兒長先依俎豆隣  
略與我翁報安穩最關心處淚盈巾

病中送客意難勝別袂衝霜暗起棱萬事且傾薊門酒  
一年重看廣陵燈眠餐獨夜身宜愛肥瘦他鄉話共徵  
到及東風聽鳴鴈渡江知未泮春冰

送范大申如之官廣東

忘却京華下第身一官遙赴嶺南春到家小住猶旬日

送客連朝有幾人仕路文章難得力少年簿領會相親  
紛紛翠羽明珠地滿酌廉泉莫厭貧

趨庭曾話峽江艤舊事關心閱歲華家學例成炎海集  
宦情新到木棉花爲求佳婦時須早竟作麤官計不差  
猶有音書須數寄春明門外未天涯

題施秋水紅葉西村夢影

化人閱世忘春秋大千起滅同浮漚山河湧現一彈指  
變化不測匪人謀我身非身想非想不藉物象窮雕鏤  
豈知四大無住着飄然一葉凌虛浮須彌飛塵大海水

夢耶覺耶誰其優先生夜臥踢齋壁汗漫忽作逍遙遊  
流觀須臾遍山海有似乘躋凌三洲蒼然一徑墮林壑  
泉石到眼堪勾留千紅萬紫看不足此境一失難重收  
醒來對景坐惆悵殘鐘殷床月滿樓吾聞至人攝梵烝  
精氣爲柁神爲舟神仙官府等遊戲揮斥八極隘九州  
斯遊偶爾亦奇絕景色點綴江村幽人間此境恐非幻  
延眺儘豁雙吟眸霓旌絳節事恍惚寄意豈必皆莊周  
圖成風物落吾手却指歸路雲烟稠哦詩不用訊占夢  
破窗寒雨風修修

題慧公上人照

人間喧寂兩無窮  
雷轉溪鳴山更空  
會得西來祖師意  
清涼巖畔聽松風

展單坐處白雲多  
不遣枯藤點綠莎  
三業淨來餘一事  
要將詩筆問伽陀

作使烟雲入指遲  
溪山自染墨淋漓  
小三昧向何人乞  
說法身應現畫師

城南古寺花如海  
偶掛雲山舊衲衣  
爭似圖中好泉石

布帆歸去息塵機

近寓城南  
憫忠寺



題趙甌北同年耘菰圖卽送出守鎮安

君家舊住三間廨一角墻田繞溪外年年手種周家菰  
欲把香菰敵薑芥綠毛茸茸乍勤作培土東西運畚蕒  
疎芽簇棱帶雨栽密葉分極和露曬生憎細草芟易出  
苦耐游蝸暗相啜雙丫小兒解使令不用千斤買良牯  
閒鷗似人識人意等是無心絕機械槐陰箕坐受遠風  
滿腋涼輕癢爬疥敲根頗覺滋味長學圃早厭胸襟隘  
明知羊酪那足道西向長安笑生歎前言戲耳沙上禽  
鬱鬱安能常伍噲承明一從通仕籍便輟鉏犁束冠髻

朝哦藥樹移清陰夕飲金莖挹仙瀼十年館閣迴翔久  
索米甚矣先生憊朝天瘦馬晚獨歸愛對妻孥問鄉話  
畦南新甲抽幾許憶到田園動深喟頗聞七菜亦燕產  
挑罷連車上街賣餐錢月支足賤直持抵江村聊一快  
日高無事搜吟腸奇語時時發光怪將軍何曾負此腹  
不遣酸齏了殘債昨朝黃色上眉際得郡南荒

命新拜虎頭食肉擁傳行看遍江山到蕃界天公非但  
昌子詩寒儉更洗儒生派君今上冢還過家折柳都亭  
告遄邁孤城迢迢在天末火耨刀耕雜蠻砦班春露冕

通睢盱植韭分葱煩告戒使君江南種田叟能向燒畬  
課禾稗雖言非種在必鋤長養要當問疴瘵園中魯相  
待折葵戶下龐公休拔薤稔君不可忘此味毋以絲麻  
棄菅蒯他時杞菊賦倘成醉守籃輿定添畫

賦得桂林一枝

得丹字

浙闕主試擬作

仙桂山中樹繁枝本屈蟠秋風生處早月窟折來單地  
許高攀到材尤獨秀難微拈香裛袖斜壓影欹冠葉覆  
深流翠花濃細染丹足珍希更貴無隱靜能觀尙想孤  
根直真同片羽看願持鷺峰種移植

五雲端

扈

蹕發京師馬上有作

橐筆事行邁，傲裝及凌晨。  
征袍綻故線，重拂塞上塵。  
習慣性所便，安驅出城闌。  
離離原樹失，稍稍墟烟陳。  
青帘壓茅舍，土鏗招行人。  
咄嗟點餚粥，感此節物新。  
長虹枕浮梁，南北交通津。  
流澌昨解凍，波影生微鱗。  
餘寒勒枯蕘，未放長條春。  
忽憶故溪梅，封橋正如銀。  
盈盈此衣帶，一葦嗟何因。

坡陀指潞亭馳道直於髮街司宿掃除摩擊斷來轍輕  
蹄踏明鏡過埃眼一瞥土囊忽怒張驚沙起蓬勃蕭蕭  
散青絲風色在馬鬣刮耳萬弩強顛倒吹袴褶匹如鷁  
退飛十步九回折停鞭欲相呼對面噤不發迴身就笨  
車沙路沿臬兀重闔密周防跌坐儼丈室閉置新婦如  
莫笑吳兒怯我久化素衣黃塵畏緇涅

木蘭扈從二十首

哨門千嶂似肩排片石凌空鏡面揩天遣奇峰表靈囿

赤文綠字首磨崖

哨門地名石片子青壁峭立  
御製詩勒其上

萬馬蕭蕭寂不鳴巡籌傳警月三更軍中號令風雲肅

不用清宵鼓角聲

警夜

御營舊例以鼓角上特命罷之

滿山輜重似雲屯路近移營趁曉暾齊候九霄張

御幄一時卓帳繞和門

每日置頓俟設行幄扈從者方得支帳

御營安

幔城周戟護金鈴蓮漏丁丁響未停騎馬黃昏望行帳

萬燈如雨亂春星

數聲鼙鼓五更秋雲際遙看燾影浮催動一千三百騎

鴈行娖隊下山頭

分翼雙旗會看城長圍合處月同盈

御驄安吉騮閑吉飛上千峰赭蓋明

宣問郵書日幾回

丹毫乙夜手親裁黃門一騎衝圍入丞相軍前驛奏來  
雕弧

親設笥如銀獵罷爭傳中的頻又早閣章催進御楯郎  
承

詔喚樞臣

蒼莽平川曉霧開  
飲飛踴躍氣如雷  
寒光一片鎗頭白  
已報前山殺虎回

圍場七十互周遮盡傍山坳與水涯誰似巴顏最蕃殖

毛羊角鹿總連車

巴顏圍場獸所聚處巴顏者漢語富盛之意也

突圍奔鹿未容逃驚雉翻飛出野蒿手接爛斑馬頭墮

地爐分肉笑兒曹

凡圍中麋鹿逸出得之者皆獻於公若得雉兔等物則不獻也

廣場什榜繡氍毹鞠脰年年奉

睿娛馬上少年齊結束繞山飛鞚捉生駒

柳陰深處飲明駝宛轉羊腸一線河記得上番留竈眼

又移羶帳下平坡

草枯沙淨馬蹄輕認取枯椿渡口橫急騁休誇好身手



一橋掌大萬人爭

谷底濛濛散曉嵐羣峰如黛競抽簪雲頭忽打穿林霽

知有前山海喇堪

山之有神靈者謂之海喇堪爲人馬所驚每致冰雹

地面看來紙面柔淖泥還帶伏泉流後蹄莫踏前蹄穴

陷馬須防塔子頭

當年耕鑿剩溝塍遺跡難尋大小興獨向西風閱人代

亂山孤塔尙層層

西哨門內有地名半截塔相傳元時所建

疊嶂崦嵫望月紆如絲鳥道入雲孤樺皮梁上紅千樹

渲染秋光入畫圖

萬里清光月掛盆十分寒色雪埋轍塞山好作中秋節  
故遣飛霏入酒尊

僧機圖嶺湧青蓮別是仇池小有天不及捫多高萬仞  
白雲常鎖翠微巔僧機圖者漢語玲瓏之稱其山洞穴  
交通最爲奇秀捫多亦嶺名險峻尤甚

木蘭行帳有惠酒蟹者賦此謝之

簾頭分染麴車香夜火爬沙想戴匡堆甲翠還凝玉蟻  
擘臍清似薦霜饌中黃寫液堪流盞外骨含膏不藉腸  
略爲秋光煩左手醉鄉風味領何妨

篁村集卷四

孫男成沅謹重刊

篁村集卷五

上海陸錫熊耳山撰

古今體詩五十一首

涿州與祝芷塘編修別時編修使蜀

折柳都亭雨乍乾使車衝暑發長安  
修途已判三秋別歧轍重淹一夕歡  
閣道山川通錦里炎方風俗問珠官  
琉璃河畔今宵月流影天涯各自看

毛萇故里

名儒環堵此遺踪想像絃歌老禿翁  
訓詁早開孔鄭學

源流先廢魯齊風馬肝畏食時方棄驢  
券頻書說太訖  
一樣傳經俱寂寞草痕青遍日華宮

河間不得見劉二桐引賦此卻寄

薊門明月滿一夕別愁增復作瀛洲客  
真同行脚僧川  
涂吾乍去書記爾偏能孤館停杯處  
相思噫定曾

發富莊驛大風雨作歌

交河縣東日色昏雨脚亂掛劉橋村  
雷車喚醒睡龍睡  
起撒粗點如翻盆高低濛濛一片白  
倒路枯楊不論尺  
東衢西街斷行人但見歸鴉場雙翼  
崎嶇一里十里長

蹄涔步滑愁顛僵僕夫頰肩赤兩脚却問官今有底忙  
燎衣曛黑投逆旅洗盞高歌勞辛苦路穩泥乾會有時  
人間何地無風雨

自德州至恩縣作

南天又見礮雲生雨意垂垂未放晴誰把行人故相惱  
亂蟬纔了亂蛙鳴

積水陂塘靜不流兩行官柳濕烟稠滿衣狼藉河間雨  
一路衝泥到貝州

桐城驛望東阿諸山

城西惜別好孱顏千里平蕪莽蒼去聲間忽露孤雲青一角眼明喜見穀城山

東阿舊縣雨宿

急雨連山暗宵分道路邊何時乾后土真恐漏高天錦障馬能惜油衣瓦亦穿我行尙東郡太息此迴還

東平道中卽目

隄抱如弓曲曲形東平古驛眼重經虹邊雲破者般碧柳外風來大段青腰腹賢王空廢塚風流刺史尙孤亭一痕蠶尾新鬟好畫出烟波小洞庭

次汶上作

薄酒不成醉蕭條夕館虛疎星偶撥霧新月已盈除田  
熟爭喧蛤湖平大上魚阿蒙吳下去消息近何如同年彭四  
紹升向留令兄汶邑官舍近聞其還吳中侍養故云

兗郡寄家人並懷後園草木四首

掩閣遙憐雪簟清夜涼深院坐流螢那知風雨巖陽郭  
聽盡瀟瀟滴枕聲

庭前新種芭蕉樹雨過抽莖幾許長試拓小書篷一望  
定延濃綠上西墻



編枳初藩老圃家  
豆苗藤蔓日周遮  
五更風露無人管  
閑却牽牛一架花

十年樹木計成迂  
爲賞疎陰洗碧梧  
明日銀床應落葉  
夜窗催動剪刀無

時十七  
日立秋

庚辰上春官偕同年王丈延之宿中山店題詩逆  
旅壁間今重過其地而王丈下世已五年矣愴  
然續題卽用前韻

十載看題壁恒河感昔塵  
偶爲乘驛使原是賃驢人  
歲月陶輪疾風霜宰樹新  
重尋耆舊傳存歿一沾巾

韓庄開口望微山湖

眉痕淡掃夕陽邊  
獨倚危橋望楚天  
引起江湖十年夢  
亂帆如葉水如烟

徐州渡河

開船打鼓日初曛  
千里中原極目分  
山勢尙圍西楚國  
河聲常走武寧軍  
重城烟樹浮晴剎  
戰地沙蟲沒亂雲  
稍覺吳歌近鄉國  
客心迢遞不堪聞

彭城詠懷古蹟三首

千古雌雄閱項劉  
荒臺落日迴含愁  
寄奴自有天人表

亞父空爲監子謀幕府關中亦豪傑參軍江左太風流  
南岡賭跳須臾事回首陰陵貉一邱

北中郎將此停鑣建業籬籬列戍遙河上一時曾守鑰  
淮西再擲浪成驍布沙愛子身先叛築堰降人骨已銷  
太息壽陽來白馬畫江真號小南朝

黃樓樓下夕流黃城角平臨僕射塲九日壺觴共王倅  
一篇騷雅妙秦郎山人野鶴招難待父老花枝裊更傷  
曾見兩翁清似鵲逍遙堂後木千章

門人孫孝廉岳灝送我於河堤詩以示之

客中相見意淒淒  
踈地垂楊送馬蹄  
盡汝沙頭一杯酒  
河流無際夕陽西

去年別我上吳船  
意外浮漚一餉緣  
且聽秋風吹河鯉  
此身何處不超然

傷徐超亭教授

昨接彭門札封題  
信臘前猶慚遲作答  
誰道已纏綿舊  
屋三間冷歸舟八口懸  
窮官頭不白淒斷廣文墮

臨淮廢縣

清波來照鬢絲痕  
百尺垂虹影半吞  
淮泗東趨尊百瀆

簞荆塗中斷壘雙門蛟龍不撼巫支鎖烏鵲猶朝禹會村  
欲訪老氏帶箭地八公山外夕陽昏

濠梁雜詩三首

牧豎曾燒將相墳辟邪天祿總斜曛楊王遺碣人爭誦  
只愛金華絕妙文

鳴鷄村巷問居人烟火東西少比隣枉徙豪民實關內  
劫灰回首怨黃巾

蒹花荻葉晚蕭騷漁父乘流集小舸也比惠施來偶坐  
遙天出網看銀刀

喚起秋聲又一年

自潛山至太湖山行雜書所見四首

大宮小爲霍連綿不知里蒼然水石精松枯孕清美駢  
枝旣交繆密幹亦相倚籠岡復被谷離立競尺咫風來  
四山動高下絲霍靡如收天水碧染入鴉青紙一片活  
光明攬之不容指童山半河北色與死灰似蒙頭謝鉛  
粉祖背失衣履奈此面目何取憎固其理南來飽巖綠  
龍葱盡可喜我冠雋不疑氣折暴公子苟無欄具劔孰  
表男兒偉

連岡斷如玦複嶂來抱之一曲復一重  
尻厓互撐持中  
淳呀成窪十畝涵清漪嫣然白芙蕖韶顏發春姿抽莖  
或瑣細偃葉交離披可憐委叢莽盡日無人窺亭亭裊  
東風獨立欲待誰何當乘曉月來看新粧時

山田繡層畦瀼瀼水注谷村童挽雙角涉水晨放犢時  
聞五經師叩誦聲出屋紅粧點明鏡浣女下空淥人家  
在清暉日對小橫幅住山非知山意趣自不俗何須訪  
真隱傭販亦冰玉

千山收暝烟曳伴匹練橫風吹不肯散要待升長庚寥

寥三家村畏虎關柴荆但見深竹底閃睽燈初明羣鴉  
暮歸巢得食還喧爭鷺鷥獨容與徐步沿溪清水清亦  
無魚飲啄不自營嗟哉此標致媿我塵中纓

將至楓香驛道旁有古松一株奇矯特甚爲贈一

絕

攫地盤霄翠幾重虬身偃蹇閱春冬何人爲築松風閣  
不向天都看臥龍

黃梅卽事

虛館追涼跡偶淹如繩急溜忽排簷焚枯細蕪松毛賤



飲濕頻斟蜜汁甜  
彭蠡鴈回初熟稻  
武昌魚好會傳鱸  
適朱大千觀察自武  
昌遣人以書來迓  
黃梅大意君知否  
破額山頭吐缺  
蟾

初抵江口

荒傖僑郡地隔水  
問柴桑楚尾風烟  
合江心波浪長蕭  
蕭聞伐荻獵獵數  
回檣出沒千峰外  
雲頭是建康

渡潯陽江

斜風細雨馬當船  
看盡東南半壁天  
獨鶴唳開樊口月  
神鴉飛破小孤烟  
千家樓堞銷兵後  
六代江山謫宦前

桑落洲頭望湓口寒濤空捲義熙年

登琵琶亭作

茫茫九派接空流亭角扶闌信遠眸江上客心悲落日  
天涯詩意入清秋斷雲影坼黃梅岸哀鴈聲沉苦竹洲  
重與騷人寫幽怨夜船吹起笛中愁

潯陽夜雨

五老忽頭白逢逢雨乍生散絲穿密幌送響問荒更素  
練深閤夢黃花故國情誰知今夜雨獨臥九江城

出九江南門上廬山麓

出郭不數里東林聞曉鐘江流碧安極山色翠還重日  
上香爐頂烟消錦繡峰杖藜彭澤宰乞食定相逢

東林寺用陽明山人壁間石刻詩韻

名藍鬪勝如鬪草按綠粧紅各言好東林却比大士鬚  
坐閱繁華不枯老松風洗盡歷劫哀溪聲山色皆如來  
遠師多事管晴雨影堂供養千幡開

山農迎遠公祈雨  
有驗競製幡懸室

中丞詩碣留峴首橫梁臨江憶醞酒朝端白黑紛蒼  
蠅誰似山中石難朽我亦安心謁祖庭啞羊勞汝候前  
汀問來除目何須荅且看匡山萬疊青

### 三笑堂

開門見南山松花墮涼雪言尋虎溪路一逕趨逶折深  
堂寂無人緩帶滌煩熱幽襟契蓮社吾愛陶靖節意行  
無町畦曠致縛禪悅當年三客踪草長綦音絕丹青尙  
遺姿巾服儼孤潔描摹亦駢拇色障非大徹法師具天  
眼萬象不生滅虛空本無橋那事强分別一笑撒手廻  
妙諦不可說請聽橋下水猶似廣長舌

### 西林寺

散策西林去堂頭午鉢殘翠禽還拂座白牯偶衝壇塋

影停圓繖田區界破欄不須參慧永一口吸江乾

南唐後主祠

在圓通寺

零落叢花剩麝囊更無人與酌椒漿已攜睡地朝真主  
終仗齋緣配法王鍾阜隱居仍浩劫皖公山色又斜陽  
靈祠却聽潺潺雨重省江南夢一場

望天池不得登有作

烟中現幡影了了數門闌緣崖望忽迷闖見兩峰合稍  
逢越澗樵蟻徑碧蘿罨天池在其巔繡磴少人踏迢遙  
三十里直上怖飛鴿清音留水石終古自砢礚平生抱

微尙頗戒靈運雜遙思碧眼僧宴坐正磨衲逝將修淨  
土受具穿木榻棲棲尙簪纓內訟心自荅何處白雲來  
蒼茫失孤塔

廬山謠九江道中作

我聞廬山高高橫絕攬青冥南斗墮地流星精瑤光破  
碎不復上天去化作九疊春江屏重跗複萼互包裹四  
面轉側無常形晴天雲霧不解駁深護窟穴藏真靈其  
間佛剎開幽局棟宇彷彿齊梁營平田如郢敞深谷把  
茅亦有耕夫耕瓜牛之廬一區耳乃令千巖萬壑皆得

蒙其名洞天福地莽寥廓翠壁丹梯望如削黃昏日月  
會高頂白晝雷霆走懸瀑書生只解鑽故紙誰似飛猱  
插雙脚不知遊人足跡多少不到處山草山花自開落  
徐凝惡詩洗難盡周續遺文世誰作中主書臺付礪礪  
顛仙御碣空彫剝可憐此山千載飽廢興只有太白東  
坡尙如昨我來浩蕩乘白雲南遊興發尋匡君夢中手  
執綠萼萼半天鸞鶴徑接扶搖羣昨宵問渡潯陽口人  
事蹉跎一回首旣無門生扶侍舁籃輿又無候吏逢迎  
送樽酒腰間黃綬足下靴翻笑形骸太粗醜此時潯陽

太守臥掩關合眼不看城頭山  
螟蛉蜾蠃兩何物那識  
窈窕青螺鬟江州已無醉司馬  
清泉白石抑鬱爲摧顏  
玉淵潭水挽秋雨遣洗塵俗山  
寧慳吁嗟乎遠公社中  
舊相識曾約歸來未頭白放歌  
因續廬山謠記我他年  
不生客



篁村集卷五

孫男成沅謹重刊